

國朝詞綜續編

國朝詞綜續編卷十四

吳縣 潘介繁 襄校

仁和 徐慶銓 編次

海鹽 黃燮清 編纂 平湖 張炳堃 增訂

錢塘 諸可寶 校勘

永康 胡鳳丹 監刊

沈傳桂 七首 汪 燾 四首

葉元墀 二首 朱緒曾 一首

諸嘉杲 五首 端木國瑚 一首

陳作敬 三首 袁祖惠 一首

胡咸臨 一首 秦紉業 二首

計光炘 二首

方隅 一首

孫仁鼎 一首

許謹身 十二首

蔡宗茂 一首

徐球 三首

奚疑 三首

蔣承訓 二首

陶景羲 一首

翁雒 一首

費丹旭 一首

沈愛蓮 二首

王友光 三首

蔣簣 二首

沈傳桂

字隱之號問生長洲人道光十二年舉人有鶯天笛夜吟碧瀟蘿月謹絮禪居蘭語

潘功甫云問生詞如踏葉孤嶺落花空潭口看莓苔食冷煙火其張王孫之匹歟抑白石之亞也

高陽臺

韶景方妍俊游久歇言愁真欲愁矣

酒薄欺寒衣單約暖輕塵不散春濃舊夢笙歌依然十
里簾櫳看花莫問花深淺有斜陽總是愁紅漫憐儂燕
子人家細雨空濛歡盟已誤鈿車約但閒憑繡檻倦
倚熏籠廢綠亭臺一鵲唳瘦東風能消幾日尋芳去便
翠陰換了香叢更惺忪短草平蕪怨笛煙中

疎影

春影

香塵散玉有舞筵綺袖吹動華褥如此江南多少樓臺
都是霧窗煙幄鈿車約畧平蕪外又滿徑游絲低撲剩
暝雲淺碧玲瓏鏡裏素波流縠猶記濃陰薄醉佳人
乍夢醒閒倚修竹綈袂無言悄捲疎幃但有一痕蛾綠
惺忪弱鬢春風倦想別院正燒銀燭莫繡簾過盡楊花

愁損畫闌幽獨

南歌子

薄霧疎燈掩單花暗枕香聽歌人遠笛聲長可惜今宵
明月正新涼

澡蘭香

智珠女史寫荷蘭便面見贈賦詞爲酬

單花蘸雨稗葉分煙鏡檻淒香暗撲柔魂護蜨綺淚凝
鵲瘦減一絲纖綠想東風別院人歸瀉徧釵叢碎玉細
檢春痕慢認生綃圖幅可是蘅皋解佩笑靨惺忪霧
懷流縠萸帷夢遠筇簾塵疎倦倚繡簾愁獨寄相思芳
草天涯未抵湘江怨曲正醉裏袖薄天寒誰攀蘿竹

踏莎行

春盡作

細綠迷鴉疎紅醉蜨一腔愁倩曉鶯說東風吹淚過江
城黃昏細雨孤鐙滅中酒心情嫩寒時節踏青人又
消魂別碧煙如夢不開門門前千點梨花雪

琵琶仙

清漪一曲彎環到門雲水澄鮮喬木明麗
時聞鶻聲遠出煙際天風吹來不鷗自涼
渺渺兮予懷也

塵外天空正人坐古樹閒門愁寂隄柳低蘸波痕柔煙
破溪碧斜照遠湖雲漸暝悄相對一蓑漁笛斷水涓涓
餘懷耿耿清夢難覓更誰省羅襪來時有洲芷汀蓮
沁顏色三十六陂何處問閒雲踪跡風又緊蘋花弄晚
自采香寄與仙魂抵似江國吹簫露涼幽夕

疎影

新綠

林亭雨歇正柳枝小小低舞回雪日暮汀洲采盡香痕
漸有聲聲曉鳩斜陽祇隔長亭外柰草色重看都別算
幾番嫩暝光晴誤了落花時節莫問江南舊樹杜郎
正瘦損前事難說是處人家門掩春陰一抹煙絲相接
平蕪極望青驄遠總未抵玉關淒咽莫亂紅斷岸流時
更理鏡波蘭楫

汪

燾

字子黃秀水人道光十
二年舉人候選教諭

黃韻甫云子黃書學華亭工詩文神采靜穆
使人自遠懷才不遇僅以一第終惜哉詞筆
悽警所作亦不多也

水龍吟

洞簫

更無紫玉玲瓏別裁粉籜調商羽漢宮誦罷秦臺仙後

賞音何許秋管排星春芽按節隨風徐度怕吹來一曲
樽前折柳多半是愁中語無限幽懷欲訴趁微涼自
修新譜柔腸幾疊靈犀一點分明通與記否揚州良宵
月底黯銷魂處倩何人喚取小紅低唱款行雲住

念奴嬌

蕉衫

勝他紉素向綠天裁取芳痕同織小樣團樂懷袖裏漫
認書箋重疊秀骨磨稜圓妾入掌紋展湘裙褶盈盈一
握照來三五蟾魄堪愛暑滌煩襟輕搖波影涼映紗
籠碧花徑流螢閒撲處涼露和衣霑溼莫怨秋風拋將
篋底命薄如蟬翼西窗陰減獨憐聽雨今夕

月華清

螢火

輕燄然秋織魂依草度來一點寒翠露冷幽叢誰把夜
珠揉碎乍成團弄影波心時著意窺人鐙背相對且紗
籠小住照儂無寐 寂寞隋宮池苑看亂落如星蒼涼
苔砌帶雨還明空際無風搖曳似依依十二闌花祇了
了兩三行字猶記踏金釵雙股昔年兒戲

齊天樂

絡緯

暮蟬吟斷秋煙暝風前又聞鳴杼黛翼披涼酸音嬾怨
不入笙歌庭戶雙翹翠股在瓜蔓叢中豆花深處冷逼
疎籬一絲流響急如雨 清宵攪人夢枕似腸輪九轉
同織愁緒韻促縑車聲殘曳帛贏得一襟淒楚更闌倦
否問催紡年年爲誰辛苦金井闌空碧梧涼自語

葉元墀

字午生慈溪人道光十二年舉人官刑部主事有海蔚軒詞

憶舊遊

題姚野橋煎鐙詞

記梨花院落楊柳樓臺深掩重門詞客風流興把翦鐙
心事消盡黃昏畫簾吟到香絮搖蕩一層雲試喚取雙
鬢紅牙按拍碧玉傾樽溫存漫回首悵甲煎燒殘子
夜歌聞金縷琵琶曲問曉風殘月前度吟魂紫簫重譜
遺恨春夢了無痕正一夜無眠江南腸斷誰似君

金縷曲

賦湖隄新栽春柳

幾度鶯聲悄問東風經年別後舊愁多少曲曲彎彎湖
上路和雨和煙尋到更特地畱他斜照淺蛻驚兒新製
樣驀青春作就三分料橋隱約被遮了詞人漫自吟

芳草黯消魂殷勤打疊詩情畫稿金粉南朝無限意認
取蛾眉未老莫又是西湖蘇小三板紅船搖曳去對清
流一鏡菱花曉螺黛影爲誰掃

朱緒曾

字述之上元人道光十二年舉人現官台州同知

百字令

庚戌重修曝書亭和太史原韻

稻花香送趁秋風帆挂梅溪重泊隔歲經營欣始就柱
史丹青堪託槐花煙晴茭池潮減願話豐年樂結聯鷗
侶園亭爭賀新落憶自七錄翁來研經契古圖畫煩
斟酌醞舫三楹今拓地添得筆龕書幙種樹畱鶯移花
引蝶細認新林壑竹孫龍護軒然思露頭角

諸嘉杲

字麟士號子量仁和人道光十二年副貢官江蘇州判有東花簾詞

黃韻甫云子暈向不作詞自與子交始致力焉其一種雋妙之趣迥非塵想此事洵有天授

惜秋華

秋海棠同韻甫子述作

顚顚西風恰夢痕
畫醒閒尋芳苑
釀就嫩陰催開荔牆
東畔拚將數葉紅
絲把秋思十分綰
幽階亂蛩吟惆悵
晚煙孤館
疎影暮涼
颭認檀心一點離離
淒怨小睡乍酣
辜負惜花人
遠回思夜雨簾櫳
薦新酒螺杯頻勸
腸斷數餘紅闌干憑暖

西湖月

本意

分明點破平湖正
玉宇無聲畫船催發
暮痕如洗琉璃一櫂
盪開層碧兒家臨水
住有卅里菱花搖碎
白到夜

靜涼入篷窗吹過數聲漁笛
問誰夢醒鴻鄉聽曲唱
彎彎素煙輕織翠歌珠舞衣香
鬢影鏡中尋覓碧雲秋
思冷恁盼到圓時偏又缺
柳陰外三兩紅樓倚闌人立
滿江紅

水仙王祠神絃曲同韻甫子述作

古碣叢祠深鎖着斜陽嫩煙記舊社西村橋畔歌吹年
年細雨柳絲縈畫舫曉寒花瓣落瓊筵有詩僧病起打
疎鐘雲半肩雲旂颭秋水邊靈鐙閃落霞天寫殘歌
剩舞玉柱冰絃載酒瓜皮雙槩活催歸粥鼓一聲圓借
銅琶高唱定風波月滿船

金縷曲

題韻甫帝女花傳奇

偷換霓裳譜寫不盡兒女江山離詞恨語生小瑤池瓊

闕種兩字因緣天付正羅綺年華三五猛底寒笳深夜
警莽天涯兵氣銷歌舞燐影裏落花暮芳魂仍遣瞿
曇護仗慈悲幾番質證因蘭果絮故國妝臺圓舊鏡一
霎斜陽今古又一霎美人黃土畢竟情天多缺陷問笙
蛾可有癡雲補淒斷了戍樓鼓

四犯翠連環

和子述自度腔

愁共秋深詞從病減天涯雁書空繫一角畫梁前度月
望斷暮雲千里舊情句又起脂痕消盡靡蕪地簾寒鏡
影爐沈香氣領畧消魂味此際燕子樓空記分牋鬪
韻去時嬉戲十載鬢絲閒裏白辜負春風紈綺玉階清
似水獸鐙冷落朱門閉悵獨自涼坐紗櫳月淚浸羅衫

子

端木國瑒

字子彝號鶴田青田人道光十三年進士官中書

黃韻甫云先生以堪輿之學由教諭應召入都以中書用尋中進士詞不多見於附刻中收錄之

百字令

殘菊

水精簾卷恁西風吹老難開笑口白粼離邊霜信早又
遇曉蟾時候破帽粘苔空庭欹石漫記重陽就閉門孤
峭一尊畱得殘酒 獨自歸臥柴桑鬢絲偷換秋共長
松瘦車馬人間蜂蝶散只有南山依舊落落仙心稜稜
傲骨靜極原宜壽幽人清苦夜深襟露涼透

陳作敬

字湘漁海鹽人太學生

黃韻甫云湘漁博學能文不喜作詞謂其妨詩格也然問一爲之已清雋乃爾此事固不關人力

揚州慢 螢苑懷古

蘭殿花深鳳城鐘遠羊車夜碾雕輪望紗籠解處閃萬點圓勻有吳女輕羅扇撲弄花依草斜度芳津漸珠簾飛入逢人低颭僊裙綺樓半炬到而今惟有荒榛剩老樹驚鳥秋星碎碧依舊黃昏往日景華何在玉鉤杳冷月歸魂共蘼蕪香塚年年猶化秋磷

西子妝 白蓮

遮斷飛塵翠池消暑水榭晶簾繚繞冰荷綠淨藕絲涼照明璫素痕煙渺鴛鴦睡了恍身在月殘風曉倚闌干

有靚妝窺鏡看花人早
紅蜻小點水尋芳旋占鷗汀
夢滿湖寒氣墮晴雲乍淩波羽衣誰好蓮舟休掉怕深
夜影疎香悄更蟾光十里銀塘共杳

珍珠簾

簾影

空庭深護無人境悄垂簾閒卻犀鉤聲靜花底不分明
瀉幾絲波影欲向吳淞尋舊夢柰隔院迷離光景宵永
似微雲徐度銀河清耿還看蕩漾湘紋任風來乍卻
月移旋整一桁度重階望水痕天迴回首朱闌低挂處
又那堪桐花秋冷誰省賸香疎紙閣夢闌孤醒

袁祖惠

字又邨錢塘人官上海知縣城陷死節

金縷曲

詠雁

暝色沈寒角正秋江茫茫流水客愁無著斜日灘頭帆
卸早遠渚平沙漠漠問塵海此身何託底事黃昏風漸
緊祇一繩來伴儂飄泊霜意勁洒潮薄低徊往事渾
依約算故園近來煙景儘輸猿鶴卻意賓鴻辭海國一
樣汀洲寂寞感幾度雲停月落鷺伴鷗延江上住甚傷
心情緒全非昨聽津鼓數寒析

胡咸臨

號吉甫嘉興人
諸生有炙硯詞

南浦

春水用玉田韻

江上雪初消漸東風作意粼粼吹曉一片漾空明窺漁
婦深淺麋痕堪掃縈青漲碧斷無人處橫橋小無賴桃
花容易落紅雨亂迷汀草絕憐才盡江淹只春生南

浦離情未了風景又湔裙懷人夢難竝閒鷗流到煙波
浩渺竹枝聲裏魚龍悄誰共扁舟天上坐浣得新愁多

少

秦細業

字應華號淡如無錫人副貢有微雲龔詞錄

黃韻甫云戊戌四月曲阜孔繡山與淡如集尺五莊與都下知名士作餞春之會繪圖紀事座客皆有題詠嗣後風流雲散廿餘年來與淡如未嘗一面情隨事遷感慨係之矣

蝶戀花

司馬夢素夫人百蝶圖遺卷孔繡山屬題

活色生香眉乍掃玉鏡臺前想像人雙妙燕燕鶯鶯都
已老桃花影瘦春魂小 蟲化青陵畱舊稿檢點空箱
金粉無多了咫尺羅浮仙夢杳東風又綠南園草

高陽臺

張山人荔門取易安居士醉花陰詞意圖其小像於扇屬填此解

碎玉無聲浚波有影分明靜治堂中讀畫淒涼紗櫥寶
枕都空黃花依舊如人瘦悄無言秋上眉峯問緣何鬪
茗薰香一例疎慵新詞自向烏闌譜紀錄成金石夫
嬾同功散後雲煙怕聽雨滴梧桐風鬢霜鬢添嬾頓怎
琴心老去偏工莫憑他野史荒唐試認驚鴻

計光圻

字曦伯號二田秀水人有守號齋詞一卷

高陽臺

題唐蕉庵帆影催詩圖圖爲亡友闕繼亭繪

煙水空濛林塘掩霽一樓分占鷗沙樓外征帆隨風整
整斜斜分明一片雲頭黑聽瀟瀟雨腳如麻又誰知畫
舫衝波響出蘼葭遙峯九點青描黛妒殘陽明滅瞥
見還遮縹緲詩心憑闌目斷飛霞寂寥欲賦懷人句黯

離魂吹向天涯更何堪感舊吟成掩卷生嗟

憶舊游

題丁石香遺照冊中圖四曰橫江擊楫策蹇遊山隔溪懷舊曲巷尋春繪者翁君小海今亦歿矣

帳前塵易杳舊夢難尋話也零星是處江山好記吟秋
策蹇酌月揚舲故人早悲黃土休問碧紗櫺況哀樂中
年誰能遣此付與丹青傷情展圖處見灑落風姿彷彿
平生最憶年時事共絃詩觴酒多少鷗盟轉眼又殘
春夢鄰笛不堪聽算爪印長留秋空望斷鴻杳冥

方

隲

字玉裁號雲泉仁和諸生有疎影庵詞

木蘭花慢

花朝已過風雨不休春寒中人登臨都懶賦此

一春纔過半歎花事又將闌奈密雨捎檐疎風戛牖料

峭新寒吟邊畫簾未捲鎮無聊掩卷自孤眠慵理蘭篝
剩火隔宵猶裊餘煙妝殘倦理兩眉彎絕似霧中山
間有誰伴侶踏青南陌沽酒西園無言繡窗憑暖妒呢
喃雙燕語飛還卜得明朝放霽水亭好泛輕船

孫仁用

字筱蘭仁和人
諸生官訓導

洞僊歌

擬竹垞翁體

秋聲多少奈秋人一箇愁伴秋心甚時可問那人歸未
曾訂今宵算芳信傳到者番應果耳邊聽窸窣一葉
飄梧吹向閒階半珪墮消息又無憑冷雨疏鐙誰共我
夜深閒坐便好癢催成也迷離况小別經時夢何曾作

許謹身

字瑞徵號金橋仁和人道光十
三年進士官兵部武選司主事

黃韻甫云金橋負才卓犖與予交最摯詞婉妙聰俊與茶煙閣爲近充以學力所造殆不可量卒年僅二十八歲何天奪之速也遺稿未刻從蘋香女士處鈔得之

喝火令

芍藥煙中能靡蕪夢後魂尋尋覓覓只無痕庭外幾重
芳樹樹裏幾重門緣識三生幻情疑一笑真闌干閒
放在黃昏可許鉤簾可許月溫存可許亭亭花影移上
瘦腰身

齊天樂

落花

春光三月渾如夢恩恩又催天曙旛影淒迷鈴聲瑣碎
冷落幾重芳樹迴風自舞便錦樣文章也埋黃土癡絕
雛鬟小園尋覓幾回誤誰憐茵溷飄墮算和泥同啄

梁燕辛苦聚不成萍散仍如雪
輪與柳隄煙絮牆陰細
語說昨夜樓頭翦鐙聽雨到曉
惜惜隔窗唳杜宇

又

紀夢

西風吹上臨谿樹霜林乍添寒
意聚不成村疎疑入畫
三兩人家而已涼雲萬里看四
面山沈晚炊煙起隔岸
籬開老漁收網面微醉
城頭畫角吹罷間聲聲淒緊
牧馬歸未斷石橫灘荒畦沒草
太息蒼寒如此塵襟待
洗恰輸與鄰翁柴門閒倚數盡
昏雅茅檐鐙上矣

一翦梅

煩惱心情有萬千昨夜歡筵今
夜離筵未成雙是七條
絃人不纏綿出自纏綿
作弄多般月影偏花滿階前

竹滿窗前黃昏時候總淹煎醉過春天病過秋天

清平樂

低低窗戶獨自和鐙語悔種碧梧桐一樹簾外只吹殘
雨 清晨慣聽淒笳黃昏慣聽曉鴉不解自家顚顚無
端埋怨菱花

買陂塘

題黃韻甫變清西湖萍合圖

漸西風蕭蕭瑟瑟長隄楊柳吹冷才人天遣漂零者踪
跡慣如斷梗呼小艇載三兩吟朋先向鷗邊等流光自
省算磨鐵生涯悲秋心事我輩有同病 西泠路曾攀
蠻箋題贈樓頭十日豪飲醉來狂脫青衫數襟上酒痕
還醒離思警又拋此湖光去逐征帆影余將入都重遊未整

怕買棹歸來畫圖宛在人瘦舊時鏡

洞仙歌

明燈上了是慳慳時節獨自登樓定愁絕看書床蟲網
鏡檻蝸涎梳裏處依舊晶簾還揭那回曾小立第一
銷魂悄步西階刻羅幃倚徧曲闌干往事淒涼便思著
更和誰說猶錯認春宵墮金釵卻秋雨侵窗幾聲落葉

臺城路

雨泊長安寄儉伯子述韻甫

黯然誰續江郎賦魂銷綠波千頃雁外帆多鷗邊路熟
催上渡頭征艇東風漸緊只作弄春陰鶉鳩曉暝一抹
雲濃遠峯齊鎖翠眉影故人遙憶此夕定西窗共話
華燭淒冷蘆岸疎煙柳橋斜月猶記昨宵分領雨聲又

猛賸獨客哦詩背燈愁聽且卧孤篷擁衾終夜醒

摸魚子

自題河梁醉月圖

記年年旗亭載酒湖波綠上芳草而今賸有迷濛月更
著幾絲煙裊儂漸老便橋畔垂楊不似當時好銷魂畫
稿只檣燕畱人城鴉送客點綴在林杪漂零慣怕見
渡頭眺峭一樽添作去愁料三聲玉笛吹殘後打疊別
離懷抱朋輩少且笑喚姮娥共索銀屏倒薈騰醉了奈
小市更闌遠山鐘動容易又天曉

沁園春

懷閩人

擁髻淒然似怨年年無端別離想孤幃倦枕乍添香後
重簾小閣未上鐙時脉脉心情慙慙天氣三月春陰柳

絮飛增惆悵更聲聲杜宇呢近樓西
 萱闥賴爾扶持
且歡笑人前強解頤怕清愁難遣休教停繡長吟易苦
莫要填詞玉鏡頻窺金錢暗卜多少思量但自知憑誰
慰但抄詩婢幼學語兒癡

高陽臺

春事成煙舊歡若夢黯然賦此

蝸篆粘窗蛛絲界戶依然六曲文紗夢不分明門前一
樹枇杷離筵但譁相思苦說人間何處天涯記魂銷酒
冷鐙昏雨細風斜 十年未踐尋芳約奈如雲情緒如
水年華舊日唬鶯而今沒箇唬鴉重來難覓春人面况
東風落了桃花太淒寒幾杵秋砧知在誰家

珍珠簾

詠璫簾與戴韶士贊善熙同作

鋪茸疊毳溶溶院伴鎙青今夜書幃寒淺料峭晚來風
憑小鬟慵捲待到黃昏明月上也難漾波紋如線遮斷
怕誤了春來玳梁歸燕還記看罷梳頭最魂銷窗下
一聲銀蒜寂寂舊房櫳甚水晶都換半縷幽香閒約住
更護得唐花開滿窺徧隔一桁重重便愁人遠

蔡宗茂

號小石上元人道光十三年進士官翰林

浣溪沙

題星齋桃花便面

流水三分月二分冰紈買得寫春痕露華吹夢鎖簾陰
燕子樓臺琴語膩枇杷門巷酒鎙昏江南何處不銷
魂

徐

球

字詠梅德清人諸生有環翠樓詞寫碧軒簫譜二卷

水龍吟

重九筇谿道中

秋陰濃到重陽遠山木葉紅猶欠畫船蕩槳平橋殘柳
酒旗茅店回首西風尋常小別未應淒黯看雙雙弄影
蹢躅白鷺渾不受紅塵玷漫訝年華荏苒塞鴻飛穿
雲點點登舟極目鄉山迢遞湖光瀲灩舊侶菰城遲回
菊圃剛收菱芡指前程暝色蘆花深處有漁燈閃

淒涼犯

武林金氏園中句畱而月瀕行與此畱別

倦游滋味西風外垂楊不綰歸幟暗蛩碎語孤鴻遠影
共添淒切鄉愁淡絕漸重九茱萸冷節顫危檣荒汀夜
泊隔浦聽潮咽回首聯牀地翦燭評詩故人輕別甘
年席帽話飄零酒腸空熱倘許重來看湖墅霜楓墜葉

美閒鷗隔水弄羽萬點雪

卜算子 題畫

畫棟燕歸時滅燭房櫳靜蟾影遲遲上海棠畱得驚鴻影
別思易經年紈袖琴邊冷明日花陰拾翠翹露溼
蒼苔徑

奚

疑

字虛白號榆樓烏程人太學生有方屏樵唱

菩薩蠻

張大吟樓屬題仕女

梧桐院寂秋如許黃昏忽聽瀟瀟雨獨自倚闌干羅襟
生薄寒一鎧紅似豆展卷消殘漏何處送新愁雁聲
樓上頭

又

姚二莖橋索題倚梅圖

玉梅花底人如玉水邊林下疎煙綠日暮怯春寒東風
羅袖單生綃畱媚影小倚冰姿冷舊夢幾時圓月明
聞珮環

憶舊遊

二月上旬西泠汪二又邨來茗招同銅士
曉樓游道場山弔太白山人小憩歸雲庵
分得歸字

正東風散暝梅萼飄香俊侶相攜好放嬉春棹艤小谿
深處來叩禪扉曉煙隔嶺初霽嵐翠落吟衣待小憩空
堂煎茶讀畫埽壁畱題依依恁懷古歎宰木蒼涼斷
碣依稀指點疎林杪訝淒虛孤塢還訝天低冷吟倚徧
闌檻鐘打夕陽西漸數盡昏鴉閒雲送客花外歸

蔣承訓

字澹人吳縣
人有樓碧詞

摸魚子

秋暮舟發婁江

唳長空幾聲哀雁秋灘驚起鷗侶濺衣溼翠寒於雪人
在水天深處還問取甚岸柳芳痕減盡添淒楚蕭疎倦
舞剩煙外爭棲唳鴉數點殘照自來去輕帆曳小艇
飄然比鷺中流一棹容與聽風聽雨江湖味閒了茗爐
松塵愁萬縷遙指點紅心草滿橫塘路情懷更苦歎回
首天涯暮雲重疊鄉樹渺何許

高陽臺

秋日重游陸氏意園

臨水欹闌穿林坐葉幽探又趁霜晴記否年時淒涼此
地曾經楊花縱是離人淚但紛紛猶弄春情甚重來不
見楊花只見浮萍舊愁還比新愁重奈遶遶蝶夢欲

喚難醒往日題詞如今怕已零星煙梢一椽廉纖雨只
紅心草長閒庭又西風吹上梧桐化作秋聲

陶景羲

字吉甫號琴子宛平人原籍會稽國學生有茶煙禪榻詞

菩薩蠻

雕鞍夜走章臺路花枝嬌小畱人住潮暈漲霞腮新聲
入破纔三條絃子溼暝炙銀簧舌一曲斷人腸柳花
滿店香

翁

雒

字穆仲號小海吳江人

黃韻甫云小海善繪尤精於草蟲神致栩栩欲活爲世所珍詞則畫之餘也

南浦

咏秋水次張玉田春水韻

波靜淡煙澄浸遙空一鏡菱花常曉闌檻盪涼陰池塘

柳慵照眉痕重埽伊人不見眼穿孤鶩天邊小新綠三
篙曾送別又是荻苗如草扁舟恍入香溪問南渠莫
是芙蓉謝了許渾詩何處芙蓉落南渠秋水香還有涉江人圓渦動前
日韞羅親到予懷渺渺所思猶復增憂悄雙鯉魚書風
倘便還恐晚潮來少

費丹旭

字子茗號曉樓烏程人

黃韻甫云曉樓精畫理樹石蒼秀仕女能盡其神態詞亦清麗不着纖塵

菩薩蠻

題畫

畫羅裙換秋紋綢齊紈扇底秋痕淺歸夢卜秋期釵頭
燕子飛瘦鞦韆弓窄窄立近闌干側惆悵晚來風海棠
花未紅

沈愛蓮

號遠香嘉興人諸生
有小靈蘭仙館詞抄

百字令

邑侯朱述之先生
紀事用太史原韻

緒會倡修曝書亭落成

釣船坊近記閒攜琴鶴仙舟曾泊海宇孤亭畱寂寞真

契千秋遙託晚稼屯雲秋絲擷繭儉歲江村樂

巴酉夏大水田

禾盡沒八月垞南晚稼忽生雙
穎野蠶成繭人以爲太史之祐

分來清俸松陰池館新

落

喜看疊石編筠翻泥種藕幽事重斟酌勁節清芬

圖主客俯仰水窗風幕

亭西建四忠
清芬兩祠

驅舫延尊梧棹點

筆高韻傳林壑詩靈如在夕陽紅戀樓角

減字木蘭花

題朱彥廬長孫釣豔圖

寒波似鏡一瞥驚鴻曾照影夢膩香醺芳草閒情記錦

裙難窺人面流水無心天更遠前度劉郎落盡桃花

鬢已霜

王友光

字海客華亭人諸生

減字木蘭花

堯花

補天好手一枕晚涼人醒後且作去花奴顚賴時光憶

我無醞醕灌頂顛倒芳魂都喚醒萬顆珠圓深院斜

陽小漏天

水調歌頭

病起代書答友人

卿自用卿法吾欲任其天諸君時復念我聽我品玄絃
坐有清風明月行有素筍濁酒此境倘如仙躡屐作名
士定值幾文錢時放顚時作達一年年胸中紫棘三
斗妄語怕人憐吾謂殘杯冷炙何似黃齏苦筍揮手亂

雲邊列種白楊樹直到寺門前

行香子

分咏新柳

長短亭邊歌舞筵前只初黃情便纏綿偷遮樓閣低護
鞦韆一絲風一絲雨一絲煙鶯又驚眠花又爭妍問
風流可似當年夢中腰瘦鏡裏眉纖有人妒有人恨有
人憐

蔣

簣

字楚亭江甯人
有瀟湘館詞抄

金縷曲

夜登浦口敵臺用壁上秦雪舫韻

又宿荒臺上收拾起一天星斗一江風浪不信烽煙衝
折地空見孤城疊嶂都付與漁歌樵唱夜半風來聲咤
叱認當年萬馬軍中撞搔短鬢漫惆悵勸君且盡杯

中釀想千古幾番爭戰不堪眺望七尺昂藏真可笑莫
說男兒難量誰慰我半生豪放眼底盛衰原似夢問江
山可是從前樣殘月影黯相傍

蝶戀花

秋草

怨葉愁苗茆不得目斷天涯總是傷心色路入蒼茫殘
照黑可憐祇有霜花白多少樓臺蟲唧唧瘞玉埋香
瞥眼成今昔暮雨寒煙渾不識踏青何處尋遊跡

國朝詞綜續編卷十五

吳縣 潘介繁 襄校

仁和 徐慶銓 編次

海鹽 黃燮清 編纂 平湖 張炳堃 增訂

錢塘 諸可寶 校勘

永康 胡鳳丹 監刊

姚燮 十九首

孫宗禮 四首

金濂 四首

蔣志凝 四首

陸長春 二首

孫麟趾 十首

魏謙升 十首

余新傳 二首

張泰初 三首

彭崧毓 二首

周敏中一首

周敏惠一首

賀鳴謙一首

汪秉健一首

姚

燮

字梅伯號野橋鎮海人道光十四年舉人有疎影樓詞稿

黃韻甫云梅伯子同年友丙申之春訪子於宣南坊邸始訂交焉嗣後每北上輒往來無間負才豪放徐蓮峯師數稱賞之善洞簫能自按所製曲詞極跌宕新警如山雞舞鏡顧影自妍能獨樹一幟而不屑屑於模範者

浣溪沙

疊帳涼雲燼鳳篝夫容花隔去來愁冷香如夢盪簾鉤

欲種長春天不雨誰歌子夜月當樓銀河風露浩然

秋

鵲橋仙

天竹子

葡萄樣子櫻桃顏色珠網牆陰籠住綠翎瘦雀乍飛來
又帶雪一紅銜去松枝共互梅花共吐時節天寒日
暮分明翠袖倚闌珊恰添上淚痕如許

浣溪沙

不盡銀河向北流水精簾卷最高樓鐵簫如鶴唱涼州
千里關山千里月幾家歡樂幾家愁人間天上此時
秋

高陽臺

拭唾題裙橫箏坐酒湖樓影事闌珊兩地臨愁十年紅
雨關山重逢丁巷春如夢病天桃褪了煙鬟淚偷彈紫
玉犀釵敲遍闌干舊歡那忍重提說賸柳鶯曉箔桐

鳳秋紈黯到香魂牆陰誰護情旛西風明日錢塘路散
蘋花吹聚應難悄無言兩道愁青抹上眉彎

尾犯

汎舟鱗門尋荷花未開夕色微起涼風乍迎
天靄水煙若斂若合命舟妓王五齡停漿西
灣水亭側散步移晌日薄而返曝書亭句云
坐愛水亭香氣是藕葉最多處此景彷彿之
因兼懷月湖攬碧莊同吟諸子按錢氏養新
錄云蘇州之對門讀對如富聲相近而誤也
余考范氏吳郡志云越軍開示浦子胥以濤
蕩羅城開此門有鱗鱗隨潮而入故以名門
蓋名鱗門也史記正義云吳東城鱗門謂鱗
門也今名鱗是鱗門亦名鱗門鱗普姑反與
富字音畧同對讀如富當因鱗而誤

水平天爽有斜陽不了帶煙迴盪越鷗楚雁何娟媚曳
蘋絲來往誰家亭館向冷翠多邊傍恁枝枝葉葉當風
未秋已作秋響 那識客心搖漾倚孤蓬縈舊况問風

流攬碧春甃銀魚嘯歌無恙扇影漪雲衫香吹露近誰
招賞又無奈聽拍吳歌眉山涼月初上

水調歌頭

太湖曉渡

三萬六千頃七十二芙蓉曉煙浩浩不盡曉水更濛濛
帆影蘆蒲深處人影琉璃明處雁影界長空山色互縈
繞一百里東風迷離樹是嶺橘是江楓晴雪搖旭其上
黃色亂青蔥坐我舵樓橫笛不見蕪塘走馬哀響激
蛟龍破浪羨伊穩四扇側風篷

賣花聲

酒深燈炮春人欲離情短闕

疎髻彈珠蟬翠妩紅娟春宵似海誤伊眠窗月有香花
在水人語吹煙一語一生憐黯絕離筵明朝要上越

江船又是恩恩如夢裏莫說當年

又 和小譜

春雨怯單衣春夢燈知春痕顚顚到眉姿只道寒深耽
病久諱說相思斜日下呆恩鶯語迷離碧闌干外記
逢伊笑撚桃花佯不覺泥立移時

隔谿梅令

春心一縷細難傳
梘紅絃故倚銀屏默默鎖相憐
綠鬟垂到肩
飄零錦瑟半成煙
感韶年腸斷鶯聲夢斷解
棠邊月斜樓上眠

菩薩蠻

依依人語花雲疊
鳳鈿墮響迴停
牒瘦影可憐妝一枝

秋海棠 昨宵涼思闌坐夢樓西月月好怯風尖捲簾
還下簾

好事近

帆隔幾重山雁語莫潮聲裏酒醒不知人別但斜陽千
里 煙帆雲雁各微茫湖水接江水愁搦一枝秋管坐
荻心吹起

憶舊遊

寄沈東岑吳中

記綠蘋漿短紅藕簾疏共倚春詞一曲傷離後問燈雲
榻雨夢瘦還肥只愁畫梁如昔巢燕已全非莫宿酒痕
青羅襟待澣又醺新曉 依稀那回事算值得人人眉
楚髮悽煙水東流盡便等身金好難鑄相思試看女墳

湖上日夕鷓鴣飛恁一路江南楊花亂落人未歸

謁金門

枕函殘夢圖爲韻仙女士題

花壓臂嬾把斷雲扶起一髮東風知甚意更吹來細細
怯怯恹恹天氣了了昏昏情味眼底綠蕪千萬里是
煙還是水

琵琶仙

憶余偕王雨耕史雲坪因錢唐之役詣舟
蕭江時羽烏怡姓施謫寫墨媚歌靚酌滌
愁盪歡留連彌旬而別辛卯三月事也越
歲壬秋孤舫重溯尋登孫氏水明樓盼遠
憶游悵焉今昔

白石重來總無那曲裏風情消息江上涼雨微吹簫鉤
挂初夕殘柳外樓臺似舊甚添上水雲愁碧晚絮馱鶯
春絃叶鷓鴣佳麗空憶但飛到天角孤鴻弄秋語淒寒

向蘆荻撩起荻陰漁管唱西風無力煙檠遠兜孃去也
倚畫闌目斷迴汐又見東峴斜暉淡黃遙射

問梅花

登樓眺兩湖五磊大茗諸峯玉龍蜿蜒上
絕飛鳥雲白天晶千里一色疑置人玉壺
冰鑑中清且冽也自製此聲倚浮碧館綠
萼梅下歌之節拍婉楚頗合越音因邀蘭
士揚筆小譜據笛

銀海浩茫茫問梅花寄我何處好消息家山東一角村
樹城巒失遙碧誰橫樓笛喚醒荒驛栖鴉馱平蕪冷色
水外沽帘籬舍兩三恁蕭瑟湖煙起千峯夕又昏黃
挂上斜日瓊如垂綈袂獨夜空山定余憶夢須相覓奈
一天淒風愁月翠羽明璫總迢隔曉起重看萬里依舊
寒白

釣船笛

幾日不登樓未識春光多少纔到春風一夜見滿城芳
草樓頭日日鎖春陰樓外春聲悄纔放春晴一面聽
滿山嘯鳥

浪淘沙

荅小謹

晴月上遙山院落人閒柳花如夢隔煙看透得玲瓏春
樣子只有闌干琴語急迴湍怨調微彈勸君莫種楚
江蘭紉了同心雙佩結欲解須難

水龍吟

塔影

曾來策蹇湖陰鞭絲指點南屏路諸天秋霽上方月正
一鉞寒豎笥閣經殘石牀茶熟慣留雲住更松颺天半

橫波皺碧從煙際尋鈴語 莫問銀繩玉柱恁悽涼幾
經鴿怖蘿垂蘚剝劫如泡電鈴竚千古山雨湖雲樓臺
罨畫不遮高處恰暝鴟一陣帶將落葉向微茫去

露華春慢

五簫桃花經春輒甚怡日悅水妖靡妖
盪天台武陵若無以逾姓時嘗舟詣焉
風景喧寂因遊屢變忽忽似中感不能
無詞製商調以寫之商調者卽俗之六
字調也唐商調曲俱用仕字製音爲商
之宮仕商清也九聲宮四商上角尺工
徵羽六其清聲則宮側商仕角尺徵仁
羽有下無高則無清羽之下卽今之合
是也是調以工擊音由低工序而升之
爲商蓋起於太簇以夾鐘爲變宮如洗
爲商中呂爲角也禮云商亂則陂余按
齋求之幸不失正名曰姑洗清商調

權迴雲壑又溶溶流水緋桃照晴萼小笠短筇擔酒自
過平橫釣斜陽舊時樓閣恁無人閉了珠箔況青山笑

淺黃鶯語嬾春氣猶弱 漫思昨送畫扇鈿車芳草繡
成幄望斷晚霞依依此情誰著嫩香乍颭小紅欲墮煙
起林薄歸去也倚蓬延酌空回首亂峰嶢

孫宗禮

字定夫江都人道光十四年
舉人有二十四橋吹簫譜

菩薩蠻

春風不肯隨人去江南三月初飛絮飛絮已無多相思
奈若何 含情渾不語眉月纖纖吐對此莫生愁團圓
在後頭

高陽臺

次龔定庵韻

雨惹鶯愁風牽蝶恨夢中還認今宵翠箔明珠那堪先
賦飄蕭櫻桃門巷深深護便重來只是無憀記迷離花

底調箏月底修簫 堪憐碧海青天意甚蘭缸影事幽
怨都拋十載文園無端淚滿鮫綃多情底事工腸斷數
芳期暗裏魂消算年年春去春來都付江潮

憶舊遊

歎寒煙漠漠絲雨撩愁別後沈吟此際難重省已春魂
欲斷何況秋心玉釵縱應敲徧誰復認鴛衾有側側橫
波深深款語夢裏重尋 難禁舊遊處半檻落潮痕戶
掩苔陰牘有門前水照六朝山色依舊而今只恐鏡中
人老愁影鬢遙侵待子夜思量淒涼怕聽飄笛音

鳳皇臺上憶吹簫

題金紉蘭卷子

錦瑟芳韶明星密誓十年心事都休念壯懷猶昨鬢已

先秋依舊釵光扇影都不似往昔清遊重來認雲廊月
戶寂寞簾鉤 綢繆者回悵望千萬樹枇杷門巷空留
問玉人還在腸斷橋頭縱是燒燈蘭夜無奈又夢遶西
樓淒涼甚而今怕聞那日筵篴

金 濂 字讓水號穉柏仁和人道光十五年庶常有不秋草堂吟稿壓綫詞

黃韻甫云讓水詩文雄麗詞以側儻勝道光壬辰秋與子訂交湖上次年春公車北上留京中三載乙未捷南宮以庶常用未散館而卒惜哉其詩詞遺稿存金橋寓齋予丙申入都為什襲藏之慮其散失也不數月而金橋亦相繼謝世矣展卷悵悵不勝宿草之感
金縷曲 余今春入都宿良鄉旅店曾和壁間夢塘次農金縷曲詞後笠耕先生過而賞之依韻見和有覓詞伯遍人海之句夏六月假館先生之淡園偶出示手書長卷則余及二君作皆在焉蓋先生以素紙錄歸且為之跋洵一段文字因緣惜夢塘次農不知

何許人也葉錫潭先生有和作三首紀其事余因疊前韻以志感

咫尺重闌外又誰知
輒紅十丈倦游人在喜極相逢偏
恨晚回首韶光都改正
羶毳心情無賴一榻而今依廣
厦且休愁茅屋西風壞
思面壁住十載讀君詩卷千
回耐笠耕先生著有抱冲齋詩集數十卷
更不數元和才子篇章小碎吟
徧蓬壺春色曉玉漏千官齊待羨佳句雞林早賣
等身千古事算名山業富金難買觀止矣浩如海

徵招

西樓對雨

畫樓人立西風裏
瀟瀟半城涼雨暝色壓螺峰只眉痕
遙露天街歸騎數料香濺輒紅塵
土翠溼溟濛幾家庭院幾重煙樹
秋緒未分明寒鴉外淅瀝作成淒楚點

點入愁心更芭蕉聲苦登臨嗟倦旅問鄉思蒼茫何處
又誰見別淚千絲隔簾波偷注

滿江紅

題秋江釣月圖

破網千絲挂一片玲瓏涼月看畫出潮平江上秋澄練
白木葉聲飛篷背雨蘆花影撲船頭雪且安排蓑笠傲
王侯漁竿擲星漢迴浮天闊鷗鷺冷偎煙寂正霜鱗
滿斗村醪換得醉倚風前橫竹短狂撈水底明珠溼奈
披圖笑我負鱸魚遲歸櫂

偷聲木蘭花

客愁釀得秋陰重勒住西風吹不動睡鴨香殘簾幙深
深閉曉寒一繩雁字空江冷相思寫入歸帆影莫上

高樓天際模糊煙樹浮

蔣志凝

字子于號澹懷元和人
諸生有心白日齋詩詞

孫藥田云澹懷以詩名江南北性孤介阨於
所遭詞學夢窗稿俱散佚道光癸卯秋歿於
京邸遺篋中存此數闕亦吉光片羽也

疎影

辛丑初春白沙旅廨購置水仙數盆屏帷易
暄跼蓼競吐冷香豔若華月之破夜而翠煙
之融晨也趙艮甫有詞余亦譜此

盈盈脈脈伴玉沙瑤草吟事幽絕紙閣晴初
幾几燈初
相看世外瑩潔嬋娟自慣天寒倚悄換卻銖衣重疊便
賦成翠羽明璫佇立渺然難說移向西湖廟裏鏡波
試照影都是冰雪悵望湘娥杜若汀洲歲晚芳華消歇
還愁海上琴心杳墮冷夢空江煙月算似伊羅襪無塵

邦識豔陽蜂蜨

又

良甫水仙詞玲瓏四犯一闋謝默翁和之并和余作皆極淒清餘涉之音良甫與余復譜原調以質默翁

春泉動脈漾素沙滿盃風味清絕歲晏孤花裊裊亭亭
難摹意境娟潔屏山供養無多地卻似在瑤臺層疊抱
古愁別白低徊獨有楚詞能說誰是香修伴侶玉梅
萬樹底相對晴雪翠帔黃紬一種仙心不與年芳俱歇
雙鉤水墨王孫卷又現影江皋寒月趙子固水墨雙鉤
泊舟嚴灘看月呼曰吾水仙卷極自喜嘗
仙現影矣見畫禪室隨筆向夜闌呼出冰魂我欲夢爲
胡蜨

又三疊韻詠水仙

全離土脈卻冒寒吐穎根性奇絕不炫娉婷祇覺跼蹐
淩波細步閒潔胎紅孕紫方如夢夢也隔香雲千疊似
畫圖空谷幽居小字儷蘭須說 昏曉芳菲靜會麝爐
屏斷久銀蒜霏雪古洗銅斑掩映橫斜淡到吟聲都歇
尋思萼綠華何處看女史星連明月幻綃衣同入羅浮
便合舞來仙蜨水仙一名儷蘭見三餘帖宋楊仲因以古銅洗種水仙數百本見花史姚姩夢
女史星墜地化爲水仙見內觀日疏

高陽臺

張君荔門背臨李易安小影風鬟霧鬢恨雨顰煙真能寫出醉花陰聲聲慢兩詞悽清意境素君淡如題以是闌苑麗纏綿余讀而愛之倚聲爲和

笳拍文姬琴心卓女併來愁豔惺忪柳月梢頭應輸漱
玉詞工傷春髻子慵梳久又重陽簾捲西風恁銷魂滿

地黃花窗黑梧桐 當時眷屬神仙似想烹茶刻燭靜
治堂中被冷香銷幾番吹夢無踪劫餘書畫雲煙散憶
秦樓彈淚征鴻算難摹一寸柔腸瘦損秋容

陸長春

號簫士鳥程人詞貢
生有眉月樓簫譜

南歌子

蝶夢酣難醒鶯聲溼未調東風吹放綠楊條檢點一年
春事過花朝 陌上香車斷樓頭錦字遙無情只恨木
蘭橈記得那時分別在紅橋

浣溪沙

小鏡菱花對舞鸞曉妝樓上怯衣單一簾微雨作秋寒
鎖夢暗通金屈戌倚嬌斜鞦玉闌干長眉畫了借人

看

孫麟趾

字清瑞號月坡長洲人諸生有秋露問玉叩門倚闥鳳簫諸詞

錢後南云月坡詞婉約清空縹緲深至無紛然雜出之語有往復不己之思是得力於碧山玉田而不屑刻意求似者惜乎老而不遇僅以詞名每一倚聲輒復自悼也嚴問樵云月坡詞芬芳悱惻音豔神清

洞仙歌

移居白下

蘆簾紙閣料無人尋到怨蟀零蟬伴昏曉且移書傍檻
摔鏡當窗吟嘯處更比五湖船小舊家門巷在燕子
銜泥懶把繁華問斜照只隔一重牆斷柳殘荷數不出
秋聲多少笑閉戶閒眠似維摩便花片飛來也無心埽

祝英臺近

丁未寒食偕蔣楚亭雪舫至瑞相院訪馬守貞墓尋斷碣不得問土人無知者

淒然賦此

懶看山慵喚酒來訪美人墓
隨著鐘聲問到水邊路只
從芳草搜尋斷碑捫徧總
不是埋伊香土恨難訴可
曾月夜魂歸花底悄吟句
舊日羅裙化作蝶飛去自
憐飄泊天涯又逢寒食便
珠淚也無彈處

又
簾鉤

畫簾垂銀蒜並銜絮燕歸
未采索低懸高下稱人意
誰將一片湘波付伊管領
儘搖曳落花風裏舊游地
分明倒映池心游魚也驚
避偶觸金釵聲比雨鈴細
最憐寂寞黃昏柳梢斜露
似新月碧天初起

洞仙歌

小南移居詞以賀之

蘆簾紙閣把琴書
閒理定稱紅閨采鸞意
算題詩寫韻
須種芭蕉茶竈外
可有幾弓餘地
神仙多豔福
並坐
雙行詠絮窗深聚香氣
何處好吹簫
何處飛觴料總在
玉梅花底笑我亦天涯
屢移家
余學春金陵曾三遷寓館
怎此日分
攜夢魂千里

高陽臺

秋柳

蟬咽殘枝鴉翻病葉
銷魂不似春前幾
縷衰黃拂牆難
認香綿西泠莫更呼船去
怕笛聲吹瘦寒煙
最傷心小
小朱門曾倚秋千
攜尊舊日人何處
算攀條話別已
是經年寂寞河橋空
教望斷歸鞭
秋來鏡閣慵梳掠
想眉痕一樣堪憐
到黃昏剩有銀蟾照影愁邊

琵琶仙

夜色昏燈花香拂檻泊舟斟酌橋邊與同人話別

垂柳無多畫橋畔又唱陽關哀曲殘月催送征帆依依
語偏促臨斷岸遙峰數點寫愁影睡鬟凝綠舊鏡餘香
征衫積淚燈暗人獨問何事拋卻湘絃更不管天寒
倚修竹忍把水程山驛換銀屏金屋莫此後江南雁過
寄素牋怨句盈幅甚日攜酒西園勝游重續

瑤花

久雨乍晴閒步對溪間斷雲千樹斜照半湖
令人有結廬之想

尋詩屐冷步入南園有野畦千頃平林翠老新雨過滿
地溼煙還凝疎籬靜掩記此處流鶯曾聽正縠波淡抹
斜陽又被角聲催暝小樓今住誰家想醉月吟春多
少清興憑高望遠人不見但見半湖雲影淒涼斷岸怕

說是舊時香徑更趁風幾點蘆花吹上隔谿漁艇

清平樂

紗窗春曉睡起聽曉鳥細雨連番晴自好休更踏青草
東風暗卷香塵看花懶叩閒門小巷無人行處柳
絲低裊春痕

浣溪沙

掩扇羞看小蜨雙彩雲零亂別愁長點燈時候儘思量
閒覓袖香凭畫檻細尋屐響度迴廊最繁華地最淒
涼

虞美人

病中有懷

東風小院春寒淺慵把湘簾卷閒思往事甚分明半是

鈿釵羅扇夢中情 碧窗樹近聞鶯語弄暝沈沈雨畫
橋幾日不曾過未識誰家門巷落花多

魏謙升

字滋伯號雨人錢唐人歲貢
生候選訓導有翠浮閣詞

東風第一枝

爆竹晴喧檐梅雪聚上元燈事方盛鬧蛾初出宵分浴
烏乍知蠶永三妹孰媚更助了嬉春佳興向眾中爭數
伊人聰豔問誰能並 香未襲卷簾便省聲愈熟轉喉
可證理將清曲珠圓見來淡妝黛靚堂深暝早恐火樹
難同蟾鏡悵暮寒城角催歸此境最難消領

齊天樂

翠雲草

楚臺絲雨飛何處羅浮又曉春鳥醺碧無情柳青有客

鶴與梨雲同抱相思路。渺看人意俱遲。綠陰斜照，袖薄天寒，補羅心事最難料。苔花深處，繞遍儘山中，怡悅持贈都好。竹粉攏香，茶煙颺夢，是處簾櫳清曉。無端暗惱，甚偷眼蜻蜓，避人爭到。碎翦秋羅，滿階紛未掃。

扁舟尋舊約

汎舟西湖看蘆花

山抱秦亭橘橫西。堰一天晴雪荒寒。雁聲如鴈，咿啞莫辨瓜皮，掉向鷗邊更無人到處。好煙月初生半響野晴蕭瑟，搖涼織暝雲影上魚竿。曾記得前遊春尚淺，有詠梅新句題徧蠻箋。者番呼艇尋僧載鶴，水村試叩禪關。絮飛蓬背滿，恐迷路回汀斷灣。萬花無際，秋聲只在空翠間。

曲遊春 闌影

界畫閒庭院看日光頻轉花壓春疊寫出雙身倚東風
偎暖佳人羅袖卅字苔痕繡更滿地竹陰篩漏印小池
幾折朱紋魚戲闌蘋搖皺 負手巡檐詩就漸斜過蕉
廊移上桐牖會記仙山繞彎環十二碧城回首樓角憑
來久半掩映陌頭楊柳量到曲尺縱橫月波浸透

浪淘沙

庭前秋海棠作花樓疊欲絕望廬人對之
潛馬出涕偶倚此調薜露之音無以喻其
悲也

楚楚玉嬋娟嬌小堪憐牆陰幾簇最嫣然彈盡西風紅
粉淚點點斑斑 泣露更嘯煙悵隔人天斷腸秋色是
今年彷彿定情初識面十九年前

點絳脣

人去樓空古槐深巷重門靜月容如病林外將人等
舊日巢痕苔沒三三徑樓鴉定畫橋煙暝錯認鶯鴻影

浪淘沙

闌夢落天涯水遠山遮浪遊踪迹等飛花又是一春閒
過了不見還家小院綠窗紗沈麝煙斜漫將幽怨訴
琵琶月轉西廊添半臂風露涼些

慶宮春

雪夜懷人魏塘和樊榭冬夜泊舟鴛湖有憶之作

複帳寒搜危燈風颭玉麝飛入窗罅雁闊無書鶯樓有
夢寸緘何事慵寫感秋傷別似多怨詩人小雅分明記
得病酒殘春午妝初罷想當一舸移家鏡檻箏囊曲

房安乍千回百折儂家塘水流到伊家樓下香闌心字
撥爐火重燒沈麝丁丁虬箭盼不天明可憐冬夜

浣溪沙

獨背屏山一欠伸愁中強笑夢中顰櫻桃花謝不開門
夢影噓香嫌翠羽愁心怕晚易黃昏金鑪可是解溫
存

南鄉子

雪詞和吳子述

風急峭寒初春滿梨花買玉壺折竹小紅闌上壓難扶
鶴羽離蹤重不梳鴛鴦白模糊誰寫冬閨雪豔圖夜
半掀幃驚好夢狸奴也畏寒深傍獸爐

余新傳

字浣花仁和人
有盟鸛館詞

高陽臺

癸未三月偕菊門遊湖上有懷亡友丁野鶴

閣雨嵐癡流雲水滑重堤不散輕陰湖海歸來悠然身
世難禁天涯每憶相逢樂到相逢轉又愁深儘東君花
自年年華髮羞簪扁舟搖過西泠路悵舊時攜手寂
寞人琴煙柳籠堤漸看綠暗沈沈重泉應有相思寄只
人間幽夢難尋最無聊香絮溟濛攪碎春心

三姝媚

陳雲伯明府重修菊香小青雲友三墓詩以紀事西齋先譜此闕余亦繼聲

纖紅抽宿草又東風垂楊亂鶯曉老絮酒澆遲晝冷煙
一片斷碑斜照護玉深情問瘞得落紅多少淺土留香
月下如歸珮環聲悄楚夢當時初覺伴聽雨燈寒想
應同調望裏雲龕只湖雲低隔嶺雲輕繞共結芳鄰好

更約錢唐蘇小但到梅花開後蒼苔替埽

張泰初

字松谿錢塘人諸生有選夢詞

黃韻甫云松谿負清才而貧特甚以詩詞噪江淮間每省試歸輒偕予遊文酒無間家無宿糧而口不言利高寒如梅花焉然卒以貧鬱客死淮上哀哉今其遺稿予友許荀仲通守刻之矣

蘇幕遮

舟行作

夢無端愁未醒垂柳垂楊吹散西風影野岸谿橋斜復整蘆葉蘆花照得斜陽冷樹邊離煙外磬一度扁舟一度重思省欲解離懷天不肯瘦了吟肩減了清遊興

蝶戀花

記別

驪歌一曲傷心候今日相逢明日相思又秋影可憐容

易瘦短長亭外蕭疎柳 行人怕執臨歧手斜照西風
不忍重回首殘夢迷離霜落後孤篷孤枕人依舊

浪淘沙

乙未初秋余自彭城回里子述招遊湖上
借子良芷卿笛樓泛棹裏湖蘋葉蓼花一
望無際船行其中瑟瑟作響倚笛高歌風
水互荅渺渺兮余懷也

船到雨聲中聲在青葢柳條如綫織西風隔住山光看
不見人倚簾櫳 高會訴離悰鷗鷺重逢夕陽林外漏
疎紅笛裏尋秋秋影淡煙水溟濛

彭松毓

字于蕃一字漁叟江夏人道光十五年
庶常官至雲南迤西道有求是齋詩詞

張鹿仙曰漁叟官滇微治行卓然尤以詩文
鳴於時著有漁舟紀談求是齋全集餘事作
詞亦復秀逸奇宕自成一家

沁園春

諫果

懷橘人遙傳柑節近青青幸瞻喜筠籃翠溢珠九一掬
瑛盤香漬玉指雙拈澀比檳榔苦同茗荈齒拒眉攢不
避嫌君休誤莫信他巧語口蜜專甜 試將名字題籤
覺諫院風規婉勝嚴想丹忱朝啟櫻廚罷宴綠章夜奏
遶炬垂簾饌撤邪蒿詔停貢荔往事思量娥媚添卿姑
耐待功收藥石用汝爲鹽

橄欖漬鹽可以已疾

滿江紅

珠兒以家計不足讀計然書而欣慕焉填滿江紅詞以見志予亦和之以代解嘲云

散盡黃金幸蚤是歸來林下便算有良田美宅何堪憑
藉陸賈裝休南粵羨周郎力不東風借看江湖滿地弄
扁舟一漁者 狂瀾倒眞驚訝浮雲幻難圖寫記屠龍
射虎都成舊話腐鼠徒資鷓鴣鳥嚇鼓車肯辱騏驎駕避

他人退步自留餘且三舍

周敏中

字韜人

真珠簾

闌干

四圍待把春闌阻向迴廊一帶璫瓏低護曲曲似文心
配倚樓人佇窣地湘簾偏半卷任花影幾枝偷度將暮
賸一角殘紅斜陽閣處恰比十二巫峯看一層一折
消魂曾數宛轉縱相通奈欲通無路當作紅牆中外隔
轉不隔蜨蜂來去尋取有憑袖香留爲伊重撫

周敏惠

字柳生

璫瓏四犯

十二月望夜過尚湖煙水蕭瑟遙山踴躍林端若渴而頻飲山風忽起月蕩作萬鏡影兩岸枯蘆有聲驟聽之疑鬼嘯也

木落夜寒煙空人渺無風先有湖浪水搖天不動碎月
縱橫盪輕帆帶雲更響似乘雲欲飛天上只恐天高歸
來無路何處繫孤舫 蒼然四圍遙望料魚龍睡穩幽
夢都曠弄波還照影影不隨波往波心一片飛來碧訝
山影分明倒放同拊掌應不作人間世想

賀鳴謙

字竹虛號嚼梅
丹陽人諸生

更漏子

春晝

日痕遲人意倦怕向小闌簾捲香作雪玉成煙落花如
夢天 垂楊樹飛晴絮又滿離亭別浦一點點一條條
春情著意描

汪秉健

字小逸錢唐人太學
生現官廣東縣丞

柳初新

湖上新柳

湖隄十里煙如織已逗露春消息
眼波猶倦眉痕尙淺
試鬪舞腰無力眠起虹橋橋側一絲絲
驚兒顏色轉
瞬珍珍弄碧灞陵秋思都陳迹
好花含蕊雛鶯學語依
舊水亭山驛奈少婦新愁縈積上朱樓
靚妝相憶

國朝詞綜續編卷十五終

錢塘宗景藩子城校刊